

Gyauhliuz Gingniemh Cimhra Roen Moq

交流开展民语工作经验 探索拓展民语工作渠道

——Guekgya Minzveij Hong Vah Saw Minzczuz Codanzvei Myabyawj

□bonjbauq gicej Vangz Sinhyungz ingj/sij



▲ Guekgya Minzveij Gyauyuz Goh-giswh swhcangj Denz Lenzgangh youq gwnz hoih guh gangjavah.



▲ Swcigih Cwngfuj fumisuhcangj Vangz Vujhaij angq hoh daihhoih hoeng hai.



▲ Swcigih Minzyijveij fucujyin Yangz Gijbyauh youq gwnz hoih gangjavah, naeuz aeu cimhra caeuq cauxmoq, hawj hong vah saw minzczuz gih raeuz ndaej gohyoz fazcanj.



▲ Gyoengq daibyauj camgya haihoih bae daengz Vujmingz Yen Gingloz Siujyoz yawjngonz Cuengh Gun song saw vah sonhag cingzgvang.



▲ Lauxsae hagseng Gingloz Siujyoz yienj heiq Bouxcuengh hawj gyoengq daibyauj yawj.

5 nyied 8-9 hauh, Guekgya Minzveij Hong Vah Saw Minzczuz Codanzvei youq gih raeuz soufuj Namzningz Si hoeng hai, mizgven bu vejiz giz caeuq daengx guek gak swngjgih minzveij minzyijveij daengj mizgven danhvei boux dungzei fucwz nem doengh boux mizgven haenx gungh 120 lai vunz daeuj camgya haihoih.

Haihoih song ngoenz ndawde, gyoengq daibyauj camgya haihoih cungj gig nyinhcaen dingq lingjdauguh gangjavah, doxcanj gyauhliuz gij gingniemh guh hong vah saw minzczuz, yaenglwnh ngoenzlaeng baenzlawz bae guh hong vah saw minzczuz ndaej engq ndei; daihgya daez genyi, ok geiqmaeuz, cungj nyienh vih hong vah saw minzczuz bae caenhsim caenhrengz; vanzlij mbouj lau roen gyae dwgrengz, naengh ci bae daengz Vujmingz cazyawj Gingloz Siujyoz aen hagdangz hengzguh Cuengh Gun song saw vah sonhag ndaej samcib lai bi caemhcai q aeundaej cingzcik

maenhndei neix, yawjngonz Daibingz Cin Ciet Swnjcienz Vwnzva Bouxcuengh hozdung, bae Vujmingz Yen Gvangjbo Densidaiz cazyawj cezmuz Vahcuengh loegguh ingjcuengq cingzgvang, bae Gvangjsih Minzczuz Bozvuzgvany yawjngonz cazyawj. Gyoengqde bae daengz giz he, gizde couh miz sing fwen angqcoux, sing deihdeih haenhdang, lij miz sing maqmuengh dem, hawj vunz roxnyinh ndawsim raeujrugrug, angqyangz vuenheij.

Aenhoih yienznaeuz haisat lo, hoeng gyoengq daibyauj camgya haihoih cungj naeuz souhaeuj lairaeuh, ngoenzlaeng guh hong vah saw minzczuz engq miz saenqsim, caemh roxnyinh diuzrap gwnz mbaq naekgywgygw, doxdaengq naeuz gvaq duenh seizgan he, angqcoux daihgya bae daengz dieg bonjfaenh yawjyawj.



▲ Vunzmbanj Gingloz gop haeuxnaengj haj saek hawj gyoengq daibyauj cimz.

► Youq Gingloz Siujyoz, mbangj daibyauj angq dwk gaem diuzsak hwnjdaeuj sawq daem rongraeu.

◀ Daihhoih yienhciegz.



▲ Gyoengq daibyauj youq Vujmingz Yen Gvangjbo Densidaiz yawjngonz cezmuz Vahcuengh loegsiengq boiqyaem ginggvaq.



▲ Gyoengq daibyauj bae Vujmingz Yen Gvangjbo Densidaiz yawjngonz cezmuz Vahcuengh loegguh boqok cingzgvang.

